



Cov Ntaub Ntawv Hais Txog Cov Txuam Thawj Tseeb Tau Sai Txog Tus Yam Ntxwv Ntawm Tus Kab Mob Khaus Viv Hom Aus Mais Khloos (Omicron)

(Hloov kho dua tshiab Lub Kaum Ob Hlis Ntuj 17, 2021)

Tau kuaj xyuas txhom tau tias muaj Tus Kab Mob Khaus Viv Hom Aus Mais Khloos (Omicron) tshwm sim nyob rau hauv xeev Oregon lawm thiab tau kwv yees tseg lawm hais tias yuav ua rau tshwm sim muaj neeg mob nce siab yam ceev heev nyob rau cov lim piam yuav los txog tom ntej nod vim hais tias nws tshwm sim muaj kev sib kis tau ceev thiab yooj yim tshaj lwm cov yam ntxwv mob ntawm Tus Kab Mob Khaus Viv-19 (COVID-19).

Cov kws kawm xaij (txuj ci fab kev txawj ntse) nyob thoob plaws hauv lub ntiaj teb no tab tom los mus kawm tshawb fawb txog tus yam ntxwv ntawm Tus Kab Mob Khaus Viv Hom Aus Mais Khloos (Omicron) nod.

- **Kev sib kis kab mob:** Tau dhau los ua ib qho meej tseeb yam loj ua ntu zus tias tus yam ntxwv ntawm Tus Kab Mob Khaus Viv Hom Aus Mais Khloos (Omicron) sib kis tau ceev tshaj thiab yooj yim tshaj tus yam ntxwv ntawm Tus Kab Mob Khaus Viv Hom Des Taj (Delta), txawm tias peb tseem tsis tau paub tseeb hais tias xyov nws yuav sib kis tau yooj yim dua ntau npaum li cas tiag los xij.
- **Qhov heev ntawm tus kab mob:** Cov ntaub ntawv thaum ntxov qhia tau tias tej zaum tus yam ntxwv ntawm Tus Kab Mob Khaus Viv Hom Aus Mais Khloos (Omicron) yuav ua rau muaj tus kab mob hanyav tsawg dua tus yam ntxwv ntawm Tus Kab Mob Khaus Viv Hom Des Taj (Delta), tab sis mas yeej tseem kawm tshawb fawb tas zog txog rau kis no.
- **Kev siv tau hauj lwm zoo ntawm tus tshuaj txhaj tiv thaiv kab mob:** Pom tau hais tias cov tshuaj txhaj tiv thaiv Tus Kab Mob Khaus Viv-19 (COVID-19) yeej tseem tuaj yeem pov thaiv tawm tsam tau tus kab mob hanyav txuas ntxiv mus, thiab cov koob tshuaj txhaj txhawb zog tiv thaiv ntxiv yuav muab ib txheej ntawm

kev pov thaiv ntxiv los mus tawm tsam kev sib kis kab mob thiab tus kab mob hnyav.

- **Kev kho mob:** Nyob rau lub sij hawm no yeej tseem tsis tau paub tseeb hais tias xyov cov kev kho mob yuav tuaj yeem tawm tsam kev sib kis kab mob uas tshwm sim los ntawm Tus Kab Mob Khaus Viv Hom Aus Mais Khloos (Omicron) nod tau zoo npaum li cas. Cov kws kawm xaij (txuj ci fab kev txawj ntse) thoob plaws hauv lub ntiaj teb nod tseem tab tom sib zog ntsos los mus soj qab taug lw txog rau kis no.

Peb paub txog txoj hau kev yuav pov thaiv peb tus kheej thiab lwm tus.

- Yog hais tias koj tseem tsis tau txhaj tshuaj tiv thaiv kab mob ces kav tsij mus txhaj tam sim no. Kev txhaj tshuaj tiv thaiv kab mob yeej tseem yog tib txoj hau kev pov thaiv tawm tsam mob khaub nthuas loj heev thiab kev sib kis kab mob uas zoo tshaj plaws nkaus xwb.
- Yog hais tias koj muaj cai tsim nyog tau txais kev txhaj ib koob tshuaj txhaj txhawb zog tiv thaiv ntxiv, ces kav tsij teem koj lub caij mus txhaj tshuaj hnuv no tau. Cov koob tshuaj txhaj txhawb zog tiv thaiv ntxiv yuav muab ib txheej ntawm kev pov thaiv tshwj xeeb ntxiv.
- Rau ib daim ntaub npog qhov ncauj qhov ntswg thaum nyob deb ntawm vaj tsev lawm.
- Txuag lub cev nyob kom sib nrug deb ntawm lwm cov neeg uas tsis yog nyob rau hauv koj yim neeg yog hais tias koj tsis paub txog lawv qhov txheej xwm kev txhaj tshuaj tiv thaiv kab mob zoo.
- Nquag ntxuav ob txhais tes tas li.

Cov kab mob vais lav (viruses) xws li tus kab mob SARS-CoV-2, tus kab mob vais lav (virus) uas ua rau tshwm sim muaj Tus Kab Mob Khaus Viv-19 (COVID-19), hloov pauv los sis hloov yam tsis tu ncuu li.

Nyob rau Lub Kaum Ib Hlis Ntuj 24, 2021 nod, Lub Koom Haum Saib Xyuas Kev Noj Qab Haus Huv Thoob Ntiaj Teb (World Health Organization) tau tis npe tias Tus Kab Mob Khaus Viv Hom Aus Mais Khloos (Omicron) yog ib tus yam ntxwv mob uas txaus txhawj xeeb txog. Tus yam ntxwv ntawm Tus Kab Mob Khaus Viv Hom Aus Mais Khloos (Omicron) nod zoo ntxim li nws tseem yuav sib kis tau yooj yim dua tus yam ntxwv ntawm Tus Kab Mob Khaus Viv Hom Des Taj (Delta) thiab muaj ntau cov kev hloov pauv uas tau ua rau muaj kev txhawj xeeb loj heev ntsig txog kev txo kev siv tau hauj lwm zoo ntawm tus tshuaj txhaj tiv thaiv kab mob.

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority) sam sim ntsuam xyuas txog Tus Kab Mob Khaus Viv Hom Aus Mais Khloos (Omicron) yam txav ze.

Xeev Oregon muaj ib ntawm cov lab npauv kev soj ntsuam txog tus yam ntxwv uas muaj zog tshaj plaws hauv Teb Chaws Mes Kas.

Thaum peb kawm paub ntau ntxiv lawm, peb mam li muab cov lus qhia paub txog txoj hau kev uas koj muaj peev xwm pov thaiv koj tus kheej thiab txuag koj cov neeg uas koj hlub thiab koj cheeb tsam zej zos kom nyab xeeb tau li cas ntawd koj los qhia rau sawv daws tau paub.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsoha.state.or.us.